



鈴山堂集卷第四目錄

詩

郊祀

拜陵廟作

謁泰陵

西陵觀月

下陵作

謁陵途次柬子淵太史

酬崦西侍讀見贈上陵之作

酬未齋宮諭見贈



金上... 卷四... 酬石門侍讀見贈

宿昌平劉諫議祠次韻贈蒲汀學士

正德戊寅正月七日 駕自宣府回前期頒賜

廷臣服色是日大雪百官迎德勝門外首臣

奉觴致辭稱賀即事紀述

回鑾詩

賜衣

徐氏北樓

雨

登報國寺殿

冬閏和李宮諭

除夕和石潭學士時車駕狩于榆林正德丁丑

元日用前韻

送客

符子發京南邁予日思之恨不能從作此訊寄

再至都下子容侍讀兄叙舊見貽用韻和酬

少傅靳公歸丹徒

贈董宮諭

崔子謝病還鄴懷寄

贈劉使君之成都

金山堂集 卷四 贈汪尉

送進士陳則英歸覲

奉同溫宮諭移疾寺居之作

倫編修歸娶例贈

贈致政李尚書

湯處士

溫宮諭省覲

送王提舉

贈余太史副憲廣東

登慈仁寺閣餞楊殿撰

徐侍讀別後寄贈

胡進士出宰東陽便省尊翁僉憲送贈

贈劉卿

張侍御謫判晉州

贈侍御乾德

贈王克明進士之吉郡

集壽僧房餞少司成汪先生之南京和席間韻

賦少師楊公石齋

題李學士畫

瞻辰樓

待曙樓

題楊時瀛州別業

聽琴

漁父

李學士薇園秋霽圖題贈

傳制遇雨紀事

鈴山堂集卷第四

詩前蒙

漁石唐龍

升菴楊慎評點

郊祀

天行駕鳳蚪春祀重圓丘殿幄紅雲繞壇松壁月流
馨香薦明德穰簡集洪休萬國觀成事宮筵慶玉旒

拜陵廟作

六帝神遊迴諸陵御氣濃泉飛千尺瀑枝偃萬年松
一自仙城閉徒看雲壑重遺弓小臣抱悵望鼎湖龍

金山堂集 卷四
謁泰陵

先朝趨禁陛今日上陵臺詎識龍驂遠猶疑寶扇迴
雨垂蒼栢淚風動碧山哀千歲岐周下空傳鳳鳥來

卷二

季年深望治帝德日光輝聽攬收群策憂勤總萬機
最傷憑玉几那復見宵衣慟哭朝陵使秋晨奠幣歸

三

問士晨頒策焚香夜祝天恩同滄渤水東去無迴年
袞舄紅雲裏園陵白露前神遊念王室龍馭儻來還

乙丑廷試官中禱天
有願得真才之語

西陵觀月

萬古秋天月西陵午夜看影流蒼栢罅光滿碧雲端
節序逢搖落山河對鬱盤憑高瞻玉宇正憶鳳樓寒

下陵作

歸驂悵何適遲回陵路東還循白石逕遙下翠微宮
冉冉開松霧飄飄墮澗風今宵有佳興明月萬山中
謁陵途次柬子淵太史

公我相攜久朝陵復此行暫違清禁直重問碧山程
聽雨驚宵夢看松愜野情喜隨冠蓋入立馬萬峰晴

酬崦西侍讀見贈上陵之作

金山堂集 卷四言 二
時秋重祠事吾喜得山行是日愁霖淨風煙破曉晴
看雲千嶂立臨水一詩成爲誦瓊瑤句渾忘羈旅情

酬未齋宮諭見贈

先皇陵殿枕秋風下馬來瞻夕照紅流水猶疑響環
珮長松只訝擁虯龍雄關北踞通秦塞疊嶂西馳遠
漢宮欲寫神功鐫嶧頌綠崖蒼壁倚天穹
栢林谿路轉紆餘怪石凌空不受驅帝作大邦勞眷
顧民於此地敢樵蘇峰巒四合看屏障水樹千重入
畫圖人世丹丘驚險絕仙山蓬島訝虛無

酬石門侍讀見贈

翻屋秋霖作夜驚出城晴旭稱郊行謾於夷險思身
事却以憂歡見友情山月解裝陵屋白澗風騎馬栢
林清浮塵擾擾非吾意臨羨滄州愧濯纓

宿昌平劉諫議祠次韻贈蒲汀學士

秋原六轡詠如絲蓬閣金蓮下直時貪看碧山頻駐
馬喜過琳宇謾題詩周田禾黍民歌歲漢室園陵吏
奉祠仙侶別離知不慣玉堂明月定相思

高館茶煙裊鬢絲話闌清漏轉多時塵埃偶下留徐
榻蘭茝重吟吊屈詩浮世光陰悲逆旅大邦名哲仰
新祠叫閣莫上憂時策倚檻遙興萬古思

正德戊寅正月七日 駕自宣府回前期頒賜
廷臣服色是日大雪百官迎德勝門外首臣
奉觴致辭稱賀即事紀述

彪衣麟袍夾路來飛魚繡蟒皆新裁千官盡出都門
道萬乘遙從朔野回瑞氣晴浮丹鳳闕先聲曉過白
龍堆東風吹雪度城隈流英落絮舞徘徊王春玉曆
三陽動人日仙萸七葉開列炬通城明似晝騰車廣
陌沸成雷騎管下令羅霜仗帳殿留歡捧御杯小臣
獻壽頌休哉 陛下神武英雄才龍庭驅醜虜雁塞
滅氛埃寧如漢天子空上單于臺鴻名駿烈垂千禩
帝德皇風被九垓

回鑾詩

長楊騎火紅漢帝夜還宮觀兵誇出塞獻捷賀平戎
旌竿颭飛雪鏡吹喧高空百琛陳闕下八駿遊寰中
千歲昇平樂歡讌曲難終

賜衣

宮衣錦段新宣賜徧臣鄰繡紋盤虎豹金彩織麒麟
詔向龍沙遠頒從玉陛均拜登齊闕謝愧省獨牆循
士節論辭受君恩愛笑顰禮看超等級勞豈効涓塵
荷德乾坤大糜財府庫貧先朝題歲月諸道貢奇珍

貂座儀章濫鶻梁諷諭陳縉紳皆用武輦輅尚留巡
暗憶垂裳治虛慙挾纊仁日占青海使寒望翠華春
未厭干戈役私嗟章甫身

徐氏北樓

徐君北樓上今賦北樓詩舊賞客頻異狂歌酒莫辭
簾開新月色菊對晚霜枝勝地今皇國休歌王粲詞

雨

暑雨新秋劇茆廬濕不禁氣蒸時見日陰積轉成霖
雲霧北山密烟波南國深牀頭有濁酒獨酌散幽襟

二

日日浮雲色深疑失太陽葉深聽更急葵意仰何長
鄰屋垣頽共泥塗馬去妨庭間獨鳴鶴爾亦念高翔

登報國寺閣

毘廬閣望盡京華樓閣參差雲霧遮雨雪高城催歲
暮音書故國渺天涯

代北風煙迷處所雲間孤影見鴻飛閨中錦字空相
憶塞上金鞍仍未歸

后皇開山祗樹林直布大地皆黃金朱薨矗起雲天
麗翠木環圍石道陰

南去北來何日了勞勞千古更魂消才過報國松間

寺又度盧溝月下橋

古有勞勞銷魂二亭

冬閏和李宮諭

歲閏移陰律寒深值晚冬
市飈連九陌樓雪俯千墉
宮醞閒能醉鄉書病懶封
虛慙殿門籍寂寞卧高春
除夕和石潭學士時
車駕狩于榆林正德丁丑
更燒殘燭坐虛筵起視明星在遠天
客夜杯盤隨俗舉城春花柳向誰
妍愁心暗逐堦莫老芳訊頻經隴
月圓身事流年那可道箕山終愧古人賢

元日用前韻

椒觴柏酒對春筵樓雪宮雲倚曙天
後飲屠蘇驚老大驟看花蕊笑新妍
青山近郭浮煙迥碧樹籠街淑景圓
已見三陽開道泰早聞連茹進才賢

送客

春來每日晴明少送客城陰騎馬遲
返照沙邊寒欲斂行雲江上曉頻移
謾勞藥裹供愁病且折花枝當別離
故里交親如問訊石泉山月負幽期

符子冬暮發京南邁予日思之恨不能從也作此訊寄

北風日日河冰壯愁病思君萬里行
江上歸帆何日到天涯旅夢幾回成
青春自改浮雲色幽谷虛傳好

鳥聲通客總貽猿鶴笑故山空繫薜蘿情

再至都下子容侍讀兄叙舊見貽用韻和酬

遠別豈知仍聚首相過不厭屢迴車江湖句憶停雲
裏勲業心悲覽鏡餘海內故交誰在眼病來癯貌獨
憎予摧頽敢附青霄翼忝竊還登白玉除

少傅靳公歸丹徒

黃閣絲綸貴東山水石情留侯終謝病疏傳早辭榮
江寺移舟近城居種竹清揮金會鄰曲舉酒話昇平

贈董宮諭

揚帆別潞渚鳴騶指越鄉恩輝馳滿路顏色奉高堂

賜錦裁春服宮醪獻壽觴五色文章貴天池待鳳凰

崔子謝病還鄴懷寄

相送出郊寺獨歸愁郭門春城涉遠道朝雨戀芳樽
幽夢時或到素心誰共論若為經濟畧歸卧水雲村

贈劉使君之成都

爾向蠶叢去榮分竹使符沂江瀧石險入邱鶴琴孤
雪嶺看松日蓉城坐畫圖文翁有石室千古在成都

贈汪尉

裘馬去翩翩人稱縣尉仙榜歌津柳外官舍海雲邊
魚鱗環溪市蕪葑入野田相送憶佳政無為別興牽

送進士陳則英歸覲

長安闕下送離觴才子寧親赴北堂已喜登科同片
玉曾看作賦比長楊歸帆夜度閩川月舞袖春攜漢
殿香暫到故園非久別雲霄計日待鸞行

奉同溫宮諭移疾寺居之作

九衢車馬暗塵氛仙客西堂卧白雲靜愛市朝堪吏
隱勝將泉石與僧分澄心夜對蓮花水秘曲朝披貝
葉文獨有可人期不至素琴蘿逕立斜曛

倫編脩歸娶例贈

捧詔辭東觀鳴檝下南川皆言歸駟日不羨棄繻年

寒度梅花嶺春歌桃葉篇知君世良史來續子長編

贈致政李尚書

時士皆求遇明公屢乞身三朝均雨露八座切星辰
闕望辭明主林歸復幾人青宮增秩重綠野構堂新
柳映懸車夕花明放棹春今朝國門道歎息望行塵

湯處士

此生已老蠹魚間猶抱遺經手自刪他日襄陽訪耆
舊龐公知在鹿門山

溫宮諭省覲

巴道瞻雲迴燕關立馬寒行辭青殿直歸奉綵衣歡

金山先生集 卷之四
宅傍花谿靜，盃露菊露團。寧當戀丘壑，遍擬接鸞。
送王提舉

裝車候明發，薊城煙露寒。壯心悲遠別，苦節耐微官。
天地重溟盡，江山百粵盤。攜家赴蠻徼，南斗望長安。
贈余太史副憲廣東

含香舊仙吏，何事下蓬萊。斧鉞移南海，星辰別上台。
嶺遙思馬度，關曉見梅開。五典敷文教，三長歎史才。
一去青冥鶴，芝田遲爾回。

登慈仁寺閣餞楊殿撰

獨鳥層雲盡，驚鴉落木多。登高堪一賦，送遠柰愁何。
闕市空塵霧，僧房自薜蘿。臨觴勸取醉，此地幾經過。
徐侍讀別後寄贈

行輶望已遠，悠悠那復親。微霜映郊樹，斜日暗京塵。
身病嗟行役，情真念吐申。惟應梅驛使，頻寄薜園春。

昔約去同載，君去我留仍。寧知赤驥尾，不得附蒼蠅。
對酒歎宵月，買棹怯寒冰。忽枉河洲翰，離思渺然增。
胡進士出宰東陽，便省尊翁，僉憲送贈

渡淮津吏識，客似棄繻還。作宰銅章貴，寧親綵袖班。
沙明嚴子瀨，花暗婺州山。應嗣霜臺美，寧勞百里間。

贈劉卿

春棹問南京符臺拜列卿波晴搖浦樹草綠上宮城
勝得江山覽閒兼吏隱名風埃日驅馬攀望羨君行
張侍御謫判晉州

舊日埋輪使中朝仰姓名忽聞遷客詔獨問晉州程
暮雨留看劍長河對濯纓浮榮是何物且慰病身輕

二

聖明恩意厚謫官亦王畿莫下楊岐淚旋看賈傅歸
城臨滹水靜樹遶晉山微悵惜三春晚風花幾片飛

贈侍御乾德

西蜀觀風使春明別帝鄉法星移益部仙鶴下瞿塘
曉驛催霜節秋燈檢皂囊潘輿况扶持桑梓有輝光

贈王克明進士之吉郡

豫章十三郡廬陵實壯哉藝文今代盛忠節古祠開
山擁青螺出洲分白鷺迴投刃自茲去人稱理劇才

集壽僧房餞少司成汪先生之南京和席間韻

野寺攜尊訪昔遊石堂風雨坐相留簷前老樹身全
濕竹裏深煙氣暗浮多病此時須勸酒異鄉何處復
登樓平生詞賦關幽興無奈江籬遠去舟

若去扁舟碧水陰古蘭幽杜藹芳襟移榻野鷗陪宴

坐開尊江月照離心春鶯自解遷喬木海鶴誰應別
故岑悵憶先朝供奉日西清鐘漏隔花深

賦少師楊公石齋

自昔愛此石齋居因得名省身成砥礪比德象堅貞
色染雲嵐古陰留竹栢清補天功已鉅障海力猶勅
瑞擬川珍貢高看國柱擎鐫崖方紀頌漱渚詎關情
願以如磐固千秋奉 聖明

題李學士畫

杏閣依青嶂蘿軒俯綠疇路迷仙子宅花暗羽人丘
水訝伊瀍闊山疑鄠杜幽傍崖交雜樹懸石下飛流

谷曉催禽哢郊晴喚客遊誰言居玉署長此對滄洲
瞻辰樓

高樓薄泰清宴坐接仙庭風傳丹禁漏天拱紫微星
樓下長安道車馬塵冥冥

待曙樓

聞鐘起振衣展席坐東扉松巖微月墮花林芳露稀
悟澹境方寂遣俗慮應稀稍稍晨光集衆禽川上飛

題楊時明瀛州別業

別業踞仙洲仙人洞壑幽巖迴疑徑斷林抱見溪流
竹隱橫琴坐花隨放棹遊終期謝簪紱掃石卧茲丘

聽琴

閒客清宵撫玉琴
露涼新月在高林
憑君洗淨松風耳
無限人間鄭衛音

漁父

滄洲漁父人不識
日暮移舟煙水寂
沙頭野飯暫維
稍蓬裏天涼自吹笛
笛聲嘹唳度江門
荻花楓葉滿
秋村溪邊雲月長
相待世上功名安足論

李學士薇園秋霽圖題贈

玉堂仙人入直還
盡日閒園惟閉關
展席平臨塔下
樹開簾遙對几前山
紫微陰深日卓午
石榻微涼過
鳴雨磴道聲飛泉
瀑寒雲根色颭莓苔
古仙人步履
出幽林長嘯時
聞鸞鳳音手揮綵筆
吟芳桂日靚飛
鴻彈素琴琴書偃傲
有餘清竹窓今夜月
華明誰言
西掖絲綸貴更有東山
蘿薜情

傳 制遇雨紀事

三殿初開夜漏遲
從臣猶肅漢官儀
喧呼馬僕燈沉
陌零亂鷄班雨滿墀

每歲宗藩當遣使
錦旄龍節載恩輝
去年冊禮彌年
舉 聖駕新巡漠北歸

至尊新免 太皇喪傳制
分封舉舊章
周宗盤石千

年固漢使星輶滿路光
向夕鳴鞘下建章
平明飛鞚出長楊
冠軍常侍俱承寵
白馬金鞍從武皇

鈴山堂集卷第四

鈴山堂集卷第五目錄

詩

秋使靜江先憶鈴山草堂

夕次通州懷京邑僚友

天津

雨夕作

夾溝驛聞曹太僕舟過追候不及寄之

過彭城

呂梁題陳工部觀物亭

高郵湖夜泛

揚州

西湖杭守置酒

九日將至衢州寄楊使君

十日李使君郡齋宴

玉山館吳仁甫太史

奉題閣老費公至樂樓

龍津驛逢錢使君

同徐郡侯登浚渠亭

登宜春風雨枉諸公出餞別後懷寄

宣風館

夕次宣風館見壁間題韻輒次一首

盧溪謁周元公祠

夕次醴陵

行經長沙江寄易太史

淶口驛

衡山舟中卧病

謁南嶽

宿雲開堂

宿雲開堂聞提學常甫兄行部奄至遣書迓之

登嶽憇半山亭

經湘南寺

下祝融宿南臺寺

嶽下逢常甫兄

南臺寺同常甫兄宿聞欽之兄自攸縣來會

嶽下答常甫兄見贈

雲霽堂逢欽之

常甫憲副欽之翰檢與予先後登嶽欽之獨值

雨是日予與常甫坐候雲開堂因賦二章

往歲西泉子約予同遊衡嶽而予不果西泉子

有詩見懷茲登上封追憶前韻和寄西泉子

方廣寺宋晦菴南軒二先生所經衡守計使君

期遊

宿方廣寺讀朱張二先生唱酬集

經西明山

再遊水簾洞

胡文定公書院

南嶽道士

觀音巖僧

衡州

鴈峰寺易太史計使君集

金山堂集
卷五
三
花藥寺

衡州與易太史別

長至祁陽縣行禮時
車駕北征

題瀟湘樓

鎮國山亭

永州城西朝陽巖踞湘水上景號竒絕太守何

君携酒巖上

尋愚溪謁柳子廟

見梅花

全州道中

宿深溪館

全州古松歌

湘山寺唐無量壽佛示寂地

過盤石太守華玉賦詩處

山棗驛夜坐

興安縣

白竹舖

公安何公太古令睢寧有致雨滅蝗瑞麥三異

政令子方伯廷佩請予賦詩

兩廣大都憲楊公母夫人壽祠

金山堂集
卷五
太府宴

官署梅花一株盛開

題雙松卷

賦胡明府歸樂堂

喻大行宗之靜藩祭葬別贈

金山堂集卷第五

詩使粵藁

漁石唐龍

升菴楊慎評點

秋使靜江先憶鈴山草堂

南濟江湘去意賒草堂秋色滿煙霞還家偶值陶潛

菊奉使真隨博望槎市近親賓能載酒逕深旌節故

穿花祗於泉石應堪老未倦風塵空自嗟

夕次通州懷京邑僚友

蕭條古臺上雲日蔽秋陰已判同人袂偏傷獨客心

金山堂集 卷之三
壞窻微月度高樹早寒侵沉念待明發東山蘿薜深

天津

雙流赴海奔形勝此中存潮汐浮元氣金湯峙國門
亭秋葉盡落江曙景逾昏厭聽城笳起邊愁入夢魂

雨夕作

秋氣總成悲那堪積雨時客衣新授褐林葉故辭枝
關塞書難問風波鬢易絲停舟聞夕鴈渺渺向南馳
夾溝驛聞曹太僕舟過追候不及寄之

沛江秋水驛門深斜日扁舟度柳林河漢易成千里
隔雲山難寄萬重心

過彭城

十月彭城水臨觀勢渺漫客帆牽樹杪日夕畏風湍
汴泗流爭長魚龍卧未安無人守茆屋寂寞傍江干

呂梁題陳工部觀物亭

風葉飄搖秋意深古墻幽竹自成林閉門吏散焚香
坐誰識亭中靜者心

高郵湖夜泛

四望渺無際中流揚素波褰衣露華重開帆月色多
病骨成蕭爽秋光入盪摩漢槎天上客歷歷近星河

揚州

金山堂集 卷之三
觀憶瓊花色橋憐萬柳陰蕪城舟夜月懷古一悲吟
勝蹟那堪問長江獨至今波間飭龍艦早晚翠華臨
時
上將南巡

西湖杭守置酒

朱幡翠幌在蘭舟綠水澄潭寫我憂雲破樓臺明曉
日筵開簫鼓競中流煙中榭逕藏山寺蘋際菱歌起
釣洲古木蘇堤頰悵望看君爲政繼前修

九日將至衢州寄楊使君

節序信流邁川途仍阻修那知逢九日復此對孤舟
村晚楓鳴葉沙寒鴈叫儔爛柯應在眼未插菊花遊

爛柯山
在衢州

青蘂那經眼空尊解浣愁招尋從令節歡讌阻良儔
寂寂隨寒鴈茫茫泛夕流繁香未衰歇歸賞故林秋
十日李使君郡齋宴

未對重陽菊還逢地主杯風光寧自異懷抱轉須開
戶引清香入山邀好月來巖城看未鎖燈火逐江回
玉山館吳仁夫太史

辭燕仍伏暑度越已深秋並署欣今命聯舟感昔遊
節過黃菊雨詩記玉山郵客路同知已清尊合勸酬

予昔計偕北
上與吳同載

奉題閣老費公至樂樓

袞繡辭天寵巖巒選地偏橫林水石處曾憶釣遊年
旋馬開新築焚魚樂靜便峰晴窻列障松暝鶴栖煙
意狎親魚鳥神怡對簡編寒幃川霧濕搖筆逕花燃
白傳香山社歐公潁水田傳家餘故業經世賴高賢
應有青藜使來尋閣上仙

龍津驛逢錢使君

袁山借寇何由得鄱水逢君本未期為政風流應兩
郡懷人雲樹總多時滄江暮雨維舟楫古驛殘花對
酒卮知己難同嘉會少孤帆欲別更遲遲

同徐郡侯登浚渠亭

渠在郡城西唐刺史李將順所鑿民賴其利目為
李渠久湮徐浚之築亭其上傍有龍祠

徐侯亭子李侯渠水石新呈宿莽餘秋淨野田聞鶴
語雲深仙洞隱龍居驅馳暫駐三湘節登賦初陪五
馬車此日佳遊習池共他年故事峴山如

發宜春風雨枉諸公出餞別後懷寄

出郭衆峰暝蕭蕭風樹鳴嶺危攀磴上橋斷涉溪行
四牡勤王事三湘問楚程郡齋山霧裏回望渺層城

嚴程不可住風雨且須行驛荷群公錢山憐候吏迎
亂峰連霧色深樹隱溪聲夙有遐觀志因忘故土情

宣風館

宣風館前新雨晴南北平分水陸程客心不柰寒溪
水一夜潺湲樹裏聲

夕次宣風館見壁間題韻輒次一首

下馬踈林新月痕隔籬呼酒問清渾江流萍實此鄉
路祠隱濂溪何處村塵裏征驂自來去壁間題墨半
明昏舟軌欲掛湘江水蘭杜難招楚客魂

王得萍實於此盧
溪鎮有周元公祠

盧溪謁周元公祠

古鎮無監稅高賢有奉祠位卑名德重世遠士民思
風月盧溪迴衣冠宋代遺停驂肅瞻拜敢惜去程遲
夕次醴陵

晨裝去萍邑夕駕憇長沙湖江通兩鎮井里帶千家
楓岸霜鳴葉盧洲月映花即看臨桂水還喜泛星槎
行經長沙江寄易太史

酌酒看花興每濃十年林卧阻遊從常參玉署歸難
並遠使滄江去未逢世事總知榮木槿愁心空惜老
雲松湘園門巷雲陽麓日對秋屏翠幾重

雲陽
山名

錄口驛

爐寒夜坐湘山榻霧重晨開錄口船寧知東觀神仙
侶未了南邦道路緣湘山寺名

衡山舟中卧病

三日病思伏在牀藥物到口不敢當蓬間坐失湘山
翠枕上但憶湘流長曉報昏霾江氣惡臨蒸自昔歎
殊方

謁南嶽

濺濺石瀨交寒溜瑟瑟松枝來遠風村經獨樹柴荆
外路指千峰霧靄中

三日齋心屏俗葷清朝病眼洗衡雲叮嚀入谷停騶
唱恐驚此中猿鶴群

萬壑雲嵐浩蕩開千重泉溜瀉紫迴始憐竒僻非人
境塵迹何緣此度來

宿雲開堂

寤寐名山遊茲夕山下宿虛館絕浮埃沉沉在幽谷
瞳矓星映除颯爽風動木耳目澹無營靜嘿寡所欲
院寂凝清香更長續明燭慚無昌黎誠晴晦安可卜
明發戒僕夫願恣雲霞矚

宿雲開堂聞提學常甫兄行部奄至亟遣書笈

之

夜聞臺端檄欲駐湘中船良遊匪夙約茲會豈天緣
狂思忽如醒擊衣不得眠紙窗露微月髣髴至我前
紅日出東方曉山映澄鮮高吟振衣去期子層雲巔
登嶽憇半山亭
孤亭翠嶺上層雲煙靄微茫萬里分仙家鳥道迴莫
到石壁猿聲清忽聞幽泉樹杪飛殘滴瑤草巖中吐
異芬看拂丹青朱鳥近焚香先禮祝融君

經湘南寺

半嶺遙聞深逕鍾石堂蘿薜護青松草堂邀客供僧

茗此是雲中第幾峰

下祝融宿南臺寺

山殿隱蒼堯禪燈照寂寥亂峰臨宿靄古木認前朝
桃水忽相失浮丘還見招欲跨松巖鶴吹笛遡丹霄
嶽下逢常甫兄

白玉堂中鷓鷯群十年江海歎離分豈意與君逢此
地亂山携酒看飛雲

南臺寺同常甫兄宿是夕聞欽之兄自攸縣來
會

香閣珠林倚半天兩人相對嶽峯眠羗林秉燭翻疑

金山堂集 卷五
夢緜嶺乘鸞似下仙雲伴瘦筇過絕壁風傳清嘯隔
蒼煙攸江亦有山陰興莫更虛迴半夜船

嶽下答常甫兄見贈

楚鄉杯酒故情濃猶似長安日過從知己百年憐幾
在勝遊今日歎難逢吟看夜棹溪邊月坐對寒流石
上松昨暮祝融應悔別回瞻雲壑已重重

雲霽堂逢欽之

遠信初聞近復疑西堂清怨獨吟時酒更松逕傳銀
燭顛倒風亭洗玉卮

常甫憲副欽之翰檢與予先後登嶽欽之獨值

雨是日予與常甫坐候雲開堂因賦二章

祠謁朝景暉峰登雲物變今朝山中客零雨罷聲登
踐林深崖路窄幽賞不可遍磴滑危難步谷暗近莫
辨茲山號靈幻頃刻殊隱見叨余上晴巒萬狀悉輸
獻愧乏摘毫賦琢句被崖辭君侯擅風騷胷中富溪
巘佳辭出天巧不復勞洗鍊岳巒闕輝彩草樹迷蔥
蒨豈被山靈妬或遭造物譴並觀欣茲奇獨往惜已
殿期君嗣芒屐言保筋力健

晴登適可想雨望奇莫云三子本同志所歷各不群
浴溟初杲日觸石忽膚雲連峰彌霽霽八垠渺氛氳

掀林怒飈激懸壑流泉奔暝色啼玄豹夾路聞
俯視臨萬仞悄愴驚心魂平生幾竒遊擬刻石上文
虛館遲回車秉燭冀同論

往歲西泉子約予同遊衡嶽而予不果西泉子

獨遊有詩見懷茲登上封因憶前韻和寄西

泉子

登山願慚輸作賦能自驚疲病力亦上最高層
境迥知凡隔神閒卜壽增西巖清夜月應照客吟曾
絕頂有巖陡絕壁立鑿徑如線側足乃可度日捨
身巖前有石梁橫焉曰定心橋俯瞰萬仞同遊者

膽掉目眩莫敢正視予延竚橋上久之傍一老僧

曰觀子神閒其壽徵與并記於此

方廣寺宋晦菴南軒二先生所經衡守計使君

期遊

涉礧登巖費遠尋古松寒寺入榛荆昔賢對榻聞高
咏太守移尊非俗情幽蘭谷裏堪紉佩淶水潭邊可
濯纓林暝杳然迷所適上方臺殿有鐘聲

宿方廣寺讀朱張二先生唱酬集

南嶽衆峰寺寺期夤緣高窮上封覽靜寄南臺眠
湘南與依空瑣瑣不足傳方廣嶽西麓蹟勝由名賢

金山堂集 卷五言
朱張兩夫子杖屨來當年高辭賁巖石老宿依寒禪
而我二三子景行志彌堅躋攀越林澗悵望迷雲煙
不見谷中人但聞山下泉馳驅限于役申日輶車旋
幽境夙所尚塵累何當捐

經西明山

崖登渺竒興况喜故人同石路寒山裏溪流萬木中
幽花晴沍露高樹晚多風勞思何能洗清尊幸不空
再遊水簾洞

此是朱陵第二遊恍疑雲水闕仙丘磴盤鳥道蘿煙
暝潭隱龍宮雨氣浮聞有高人眠醉石擬將俗耳洗

寒流摩崖細認題名字苔色蒼蒼萬古秋

有巨石在澗中刻冲

退醉石四字

胡文定公書院

文定祠堂衡嶽下嶽雲祠榜映崔嵬千年絃誦餘巖
室長遣山靈護綠苔

精思妙契了殘編杖屨南山二十年鉛槧未終還仕
籍風塵顏面愧高賢

南嶽道士

焚香松下迎官長捧爵爐前禮嶽君青鞋不畏蒼崖
路日日峰頭行白雲

觀音巖僧

自云家世本湘川來住名山斷俗緣只借蒲團供宴
坐不管巖花易歲年

衡州

積水長天盡深冬暮景催吾仍問南去鴈向此中回
嶽晚和雲立花寒對驛開侍臣清禁上荒徼幾時來

鴈峰寺易太史計使君集

石林香逕乍聞鍾落日來登回鴈峰星輶玉節道路
遠洞庭瀟湘雲霧重川長不見傳書鴈寺古仍餘夾
道松寒宵秉燭留連話為惜佳人此地逢

花藥寺

昨暮鴈峰宴今晨花藥來似携餘興往更待好懷開
樓閣盤幽嶂香煙上古臺楚地多奇勝吾慚作賦才

衡州與易太史別

輶軒遵嶺路別棹倚川湄蕭條風壤異婉婉歲年侵
疇昔懷同侶茲鄉逢所欽清芬襲嘉惠逸響激瑤琴
復感承明直何如湘水吟茹齋攸江上憶爾會相尋
長至祁陽縣行禮時 車駕北征

使節祁陽逢至日縣庭班列覲天光即看暖入深宮
線正想風飄合殿香塞馬力應疲雨雪江鴻書不到

衡湘寒雲落木催愁劇魏闕滄洲引睇長

題瀟湘樓 永州

山色青瑤潤江光素練長誤疑看圖畫乃覺臨瀟湘

鎮國山亭

朱薨開邸第竹逕得山家桂種瑤臺樹蓮開玉井花
傾杯移渤澥染翰動龍蛇疑有神仙過鸞簫隔彩霞

鎮國工
草書

永州城西朝陽巖踞湘水上景號奇絕太守何

君携酒巖上

危石野亭雲外賞澄潭仙舸鏡中回朝陽巖洞堪留

客湘水湘山對舉杯

尋愚溪謁柳子廟

柳侯祠堂溪水溪樹荒煙非昔時世遠居民無冉

姓蹟奇泉石空愚詩城春相岸雜花木洲晚漁歌清

竹枝木子結有諷妙在猶字古來多謫宦長沙猶痛賈生辭

見梅花

歲盡荆南霜霰稀天晴山霧濕人衣馬上朝來如見
雪因傍梅花過翠微

全州道中

梅花千樹雪松葉萬溪雲湘源行日日賴爾灑塵氛

宿深溪館

湘臯風物晚淒淒
候館星輶日向西
白屋扉臨一水靜
蒼山路入萬松迷
寒衝毒霧霑衣潤
暝坐幽篁廳雨低
不見此中猿鶴侶
恐棲蘿月在深溪

全州古松歌

全州古松大道邊
白晝暝色行蒼煙
谿迴路轉不知數
直至興安陰接連
蛟龍擎空勢欲舞
往往呼號作風雨
大枝屈鐵少枝盤
偃蹇突怒如相忤
時復一株羅樵斧
槎牙無枝形獨古
誰栽此松經幾禩
國初太守名猶記
章守復勝蹟曾留學士題
解公縉繁陰長與

行人愁松風冷冷
山寂寥松月皎皎
明清霄遙想山中
風月下定有鶴仙
吹玉簫

湘山寺唐無量壽佛示寂地

湘山臺殿翠微連
石塔禪身坐儼然
祇樹天移兜率境
金燈焰續會昌年
陽日詩紀

雲雷風坐湧巖扉
暝薜荔行遮塔逕
斜雨日炎州病如
洗湘山寺裏見梅花

過盤石太守華玉賦詩處

盤石江山雨瀟瀟
行客雙旌疋馬遙
醉起題詩臨峭壁
令人却憶顧東橋

山棗驛夜坐

泝嶺路岐仍渺渺拍林風雨更朝朝清溪傍竹聽蕭
瑟小驛燃燈坐寂寥湘浦葉飛驚歲晚鈴山家在憶
書遙垂垂一樹梅花白賴爾能將旅思消

興安縣

興安城郭枕高丘湘灘水分南北流萬里橋頭風雪

暮不知何地望神州

城西有萬里橋昔人以京師至此萬里因名

破屋古松喧夕籟遠峰寒霧起層陰梅花兩岸灘江
水歲晚相隨到桂林

白竹舖

午飯車停白竹舖寒旌馬度黃茆岡江分二水湘灘
外路迤孤城雨雪傍巒洞雲霞隱僻絕野田松竹連
青蒼遙看溪嶂憐佳境却畏風煙歎異鄉

公安何公大古今睢寧有致雨滅蝗瑞麥三異

政令子方伯君廷佩請予賦詩

中牟循吏績江陵長者言如聞何令事不愧古人賢
為政寧求異躬行可格天棠留睢水上碑照峴山前
兩廣大都憲楊公母夫人壽詞楊太師文敏之

孫也

中丞繡斧移南粵壽母霞觴宴北堂貞史百年刊闕

金山堂集 卷五言
範相門三世引書香祥暉映海扶桑近春色臨堦玉
樹長何止庭闈奉牲鼎待看勲業在旂常

太府宴

峰攢錦石當軒秀霧隱晴花拂檻高鼓角聲中催送
酒松杉影裏借揮毫

官署梅花一株盛開

只怪幽香生別院不知春色在南枝繞樹百迴吟看
汝天南日暮酒醒時

題雙松卷

庭中雙松樹柯葉何青青歲晚巖居子相期來斲苓

賦胡明府歸樂堂

燕粵風埃萬里餘羊腸厯盡始回車竹泉蘿月皆幽
事桂嶺星巖仍故廬

喻大行宗之靜藩祭葬別贈

宗藩勤卹典漢使下彤墀雲捧青霄節山開碧殿祠
桂江題句勝滕浦繫舟遲聞有慈幃別重歌四牡詩

五言古詩
題風洞
題虞山廟
虞山宴別
暮次靈川懷寄大叅師舜憲副天益二鄉丈
除夕全州少司徒梅軒蔣公邀集少傅敬所公

鈴山堂集卷第五

鈴山堂集卷第六目錄

詩

晨觀風洞登疊綵樓歷拱辰亭亭為鎮守傅中
貴所創巖巒竒聳千里在目諸巡院有詩予
輒次韻是日介行登賦不盡興也

題風洞

題虞山廟

虞山宴別 二首

暮次靈川懷寄大叅師舜憲副天益二鄉丈

除夕全州少司徒梅軒蔣公邀集少傅敬所公

之兄也致政官傅張公涇川在座有詩次韻
其二首

全州歲夜

元旦全州行慶禮

元日燕官傅涇川公第用韻

拜謝涇川公見贈

附錄贈詩

發湘江

石期驛逢李明府

早霽與計使君泛湘江遂登望嶽亭觀武侯廟

新成

予少孤多病恒有憂生之嗟今年四十矣日月

于邁祿不逮養學未有聞使經衡山適邁初

度矢痛申情爰成茲詠焉

歸次醴陵

慧力寺

移疾慧力方丈呈郡中諸君子

不寐

夜至太平觀

陳節推父在南昌寄贈

贈陳侍御原習

郡內逢春

盧洲宴集值雨贈羅使君

過雙龍寺

山行贈仁甫

二首

寄仁甫

題黃氏池亭

雨望

贈張秀才

春日遊石乳洞

遊洪陽洞

杉江羅使君宴別

師儉堂

雙谿

題龍封君願貞卷

蕭氏鳳山別業

郡學羅守新肄樂請予觀賦

閱武亭置酒

曉登春臺

二首

和唐侍御晚登春臺

曉登春臺用韻

惠上人房

夏夜府公辱過

酬羅使君仰山之招

鈴山夜別簡侍御得寬字

陽春書院唐朱二侍御邀集

薛樓宴集次汪戶部希會是日出師捕安義之

寇

夜登明遠樓同王陽明中丞唐朱二察院

龜峰寺

上巴玉山集

塔山望

自西湖入靈隱上天竺

嘉興三塔寺留別朝儀子謙二使君年丈

虎丘寺侍少傅守谿公遊奉次高韻

東平遇雨

蓮花淀舟泛

盧溝橋

憶鈴山寄溪亭明府

南京戶部後池雙蓮同幹大司徒王公邀賦

鈴山堂集卷第六

詩使粵藁

漁石唐龍

升菴楊慎評點

晨觀風洞登疊綵樓歷拱辰亭亭為鎮守傳中
貴所創巖巒竒聳千里在目諸巡院有詩予
輒次韻是日介行登賦不盡興也

孤亭絕嶂倚南天碧樹蒼崖共莽然八桂雲山供作
賦群公尊俎坐籌邊嚴城鼓角傳清曙落日帆檣出
斷煙王事未能窮勝覽北風搖檝下湘川

金華山堂集 卷之四
一
蒼茫寒霧起遙天歲晏憑高思渺然夜發仙槎南斗
外春瞻御座綵雲邊湘源水色浮晴雪桂嶺花枝拂
瘴烟莫恠題詩惜幽賞子長竒興在山川

題風洞

寧知巖洞古平臨闌闌中梵閣開丹鷲仙梯躡彩虹
遙峰晴吐霧陰磴靜含風安能賦招隱來扳幽桂叢

題虞山廟

重華千載後遺廟在南夷絃想薰風奏庭思鳳鳥儀
斷碑苔蘚合幽洞薜蘿垂髣髴移仙駕乘雲度九疑

虞山宴別

臘二十五日發桂林方伯何君珊憲使宗君璽大
叅彭君夔憲副張君祐陳君伯獻都帥戴君儀王
君繼善偕餞虞山廟之南薰亭上既謁廟乃宴乃
往觀于廟後之韶音洞既醉賦詩留別諸君子

山隱韶音洞江橫舜帝祠旌旄動出餞巖石借題詩
客路春梅色湘洲碧草辭都忘去程暮留賞更傳卮

二

贈言紛授簡祖席迥臨城奉使憐遐域群公荷別情
灘波經地險桂樹向冬榮勝會知難再相思一寄聲
暮次靈川懷寄大叅師舜憲副天益二鄉丈

金山堂集 卷之六
天南歲晚更依依朔雪寒雲遶樹飛投館驚看風土
異臨觴悵惜故人違情同灘水仍西注身似春鴻向
北歸想見郵亭頻駐馬獨吟千嶂已斜暉
他鄉相見故人稀聽唱驪歌欲濕衣數酌猶臨碧水
坐兩輿空指暮林歸池臺月浸薇堂影繡斧霜傳桂
嶺威長路題書祝餐飯壯圖勲業莫相違

除夕全州少司徒梅軒蔣公邀集少傅敬所公
之兄也致政宮傅張公涇川在座有詩次韻

二首

除日他鄉倍憶家聚星高會轉宜誇能堪黃閣留賓
席正賴清尊遣歲華青蕙色凌階下雪玉梅香破臘
前花烟霜旅棹催晨發已報春風動水涯

臺閣勲名重 帝家不因榮盛有矜誇那知守歲逢
椒頌却喜登堂咏棣華吟就謝池憐夢草醉歸唐苑
憶看花履端更有明朝慶皇澤春陽總未涯

全州歲夜

殊俗聊相值空堂誰與同燈明深雪裏歲盡漏聲中
野暗孤城柝庭高古樹風頻年遠爲客此夕意何窮
元旦全州行慶禮

燎火通宵設軒車拂曙來星隨雙節動雪映百屢開

聖壽齊嵩華春陽徧草萊翠華天北極應指塞垣回
元日燕宮傳涇川公第用韻

午橋來訪晉公家重德高名豈浪誇開逕竹松便逸
隱登堂山水占清華宜春總換桃符帖趁俗先傳彩
勝花願借栢觴增五福直從滄海詠無涯

碧潭青嶂遶千家風景真堪對客誇海內衣冠尊洛
社天南旌節駐皇華春從陰谷潛回律雪應豐年密
作花他日勝遊那可再繫帆重醉粵江涯

拜誦涇川公見贈

曾隨玉署瞻先達愧謁龍門已後時往事殷勤勞晤
語非才流落負心知湘山夜雨留觴久灘浦春波放
棹遲別後雙魚難定覓但吟佳句一相思

附錄贈詩

并序

涇川病叟張灤

回首玉堂天上游驚看玉樹過南州登科豈必傳三
唱受卷曾知讓一籌館閣栽培他日地文章經濟古
人流湘山夜雨皇華驛傾倒能令老病瘳

編修嚴君維中弘治乙丑進士是科予爲受
卷官見其制策驚人擊節稱賞既而不得預
一甲之選爲之扼腕太息往事不足深究予
謂乘除物理之數君所就當未可量書此識

贈以爲後來左券云

發湘江

人日移舟湘水岸東風吹浪散寒陰城邊栢葉留春
酌沙際滄浪清客吟烟村清字佳小逕通漁浦石壁迴谿映
竹林時向舟人問佳境前程幾處費登臨

石期驛逢李明府

清苦東安令心期得共論官看銅綬貴貧惜布袍温
野樹依巒嶂春江對驛門天涯一攜手風雨送離尊

早霽與計使君泛湘江遂登望嶽亭觀武侯廟

新成

倚棹江天豁移尊草閣幽到窻分嶽翠當檻瀉烝流
春至花經眼秋深月滿樓使君時對客詩興遶滄洲

二

川接烝湘會城臨棟宇開武侯今寂寞公爲掃莓苔
世遠懷龍卧江春識鴈回天涯山水郡落日進餘杯
予少孤多病恒有憂生之嗟今年四十矣日月
于邁祿不逮養學未有聞使經衡山適邁初

度矢痛申情爰成茲詠焉

婉孌爲童子父母不暫離出門十顧望恒恐兒寒饑
受氣素薄弱既長猶尪羸多疾貽親憂焉保黃髮期

庸知四十載老大生髭鬚中朝玷榮祿出使萬里歸
公廚飯白粲文錦褰華衣衣食豈不美親養弗可追
初度臨茲辰愴惻有餘悲海波逝莫回悲傷竟何爲

二

飭駕辭桂嶺弭棹越江湘我行幾何時已涉萬里疆
萬里豈漫遊王命肅所將咨詢徧原隰登眺窮崖岡
聞昔太史公足跡好瓌竒東遊探禹穴南浮踰九疑
山川激壯氣一以昌文章赧予誠薄陋懷古意慨慷
男子始生朝弧矢懸門堂眷言四方志豈必懷故鄉
睠彼孤黃鵠矯翮雲天翔啾啾茅簷下燕雀空榆枋

三

弱齡不量力高視慕前儔學道思理人洗心念寡尤
奄忽踰四齡此志但悠悠聰明異前時行業不加修
抱冊時呻吟寧免遺忘憂雕蟲技何補食粟顏堪羞
中夜起長嘆反躬時內省宣父戒無聞漆雕慙未信
勲業弗及時白髮忽生鬢嗟彼萬里道中途可旋軫
願言加餐飯努力桑榆晚

有古選風

歸次醴陵

悠悠駐雙騎翼翼抗前旌雲物媚清旦山水映孤城
平野楚烟碧高峰松雪明客愁渾欲失已入故鄉程

慧力寺 臨江

古道蒼松轉重洲。碧水連橋傳伏馬。地臺憶讀書年。客舫平沙倚禪燈。夕嶂懸馳驅愧塵鞅。棲息歎何緣。

移疾慧力方丈呈郡中諸君子

時有寧藩之變

城市誰能此地遊。石堂禪榻借深幽。藤蘿月上諸峯靜。樓閣風迴古木秋。病身偶似維摩室。客思應同王粲樓。已惜浮萍自流轉。却扳叢桂更淹留。漫懷陶謝與同遊。悵惜青山古寺幽。江縣羽書頻報警。石門蘿薜自宜秋。孤城片月聞吹角。落日千峯對倚樓。瀟水驛亭舟楫地。異時尊俎記相留。

不寐

羽檄連宵至。徵兵列郡聞。乾坤遂戎馬。雲日更炎氛。食祿寧辭難。臨危好策勲。燈殘僧閣夜。孤枕百憂紛。

夜至太平觀

暝色山徑入。鐘聲林杪來。道人驚客至。燭下松門開。瑤席疑芳篆。琳館絕浮埃。塵襟藉消豁。天明車騎催。

二

群仙朝上帝。高居儼太清。玉池泉不涸。玄圃樹長榮。劍作蒼龍躡。笙同彩鳳鳴。倘因值靈藥。此地問長生。

陳節推父在南昌寄贈

郡閣蕭條畫掩扉。窓中林岫待玄暉。東湖亦是桑乾

水。應望袁山日。憶歸

楊曰見真唐

贈陳侍御原習

木落歲年晚。空江忽到公。世途千轍異。高論一尊同。

懷玉幽人志。纓冠國士風。重溟隔南紀。瞻望渺行驄。

郡內逢春

春日春臺宜引望。萬家城郭慶春新。彩旛花勝巧隨

俗。柏葉梅枝清傍人。離離雪樹開晴旭。冉冉風烟度

野津。還沾郡邸賓筵醉。轉覺鄉園物候親。

盧洲宴集值雨贈羅使君

名園邀客綠尊開。紅旆行春五馬來。江迥波聲喧几

席。山寒霧色隱樓臺。庭中翠蔭延修竹。林下幽芳折

老梅。為報青陽布新令。滿城甘雨使車回。

過雙龍寺

入谷嵐霏重。開門松寺深。灘流萬木罅。蘿擁衆峰陰。


溪鷺仍寒浴。潭龍或夜吟。楚地多風雨。春山不可尋。

山行贈仁甫

萬峯雲度壑。孤寺雨鳴溪。馬渡溪前水。疑憐錦障泥。

二

共宿東窓下。中宵雷雨聞。風塵遲雙劍。好為拭龍文。



原件短缺

P9

寄仁甫

篁木翳深嶺獨行千嶂間溪山正奇絕霖潦倦躋攀
聞子渡前壑日暮臨河還相思阻幽夢一夜雨潺湲
題黃氏池亭

黃生池閣清獨宿怡我情高窗延霧色曲澗遶泉聲
鄰里間能過鷗魚近不驚永學溪中釣寧求世上名

雨望

高樓集飛雨半入空濛間梅痕低暎水草閣暝依山
境寂渾饒睡杯深忽破顏五嶺愁難望烟中凝翠鬟
贈張秀才

至午窗九藥聽鶯啼

題龍封君頤貞卷

學道人未識端居遺俗紛靈龜導真息玄豹養深文
履坦自多吉逃名世却聞當時讀易處幽室灑蘭芬
蕭氏鳳山別業

卜築傍幽深烟霞費遠尋窻喧石磻水檻落翠峰陰
巢鵲依新主谿花發故林應招白雲侶終日伴閒吟
郡學羅守新肄樂請予觀賦

謁聞金絲奏洋洋黌舍中跡類觀周廟神疑遊澤宮
徵師來獨遠享聖禮攸崇茲郡慙遐僻居然鄒魯風

金華山堂集 卷之六 十一
偉哉賢守化不羨蜀文翁

閱武亭置酒

山擁賓筵翠城圍將壘高霜天清鼓角雲日麗旌旄
箭迅穿鴻鵠杯香擘蠡螯取醉自茲別臨岐贈寶刀

曉登春臺

陽曰首尾清典
樓閣山寒裏肩輿衝曉來仲冬群木下初日萬峯開
平野何寥邈層城亦壯哉予心慕竒勝欲別更登臺

二

山暝烟嵐合城高睥睨齊攀躋興不極曠望意還迷
風壤荆吳際星文翼軫西遺祠深木裏來客拜昌黎

和唐侍御晚登春臺

春臺夕上興猶竒落木蒼蒼白日遲行傍逕梅詩自
好坐看松嶂榻頻移江城攬轡霜威迥山閣開尊月
色宜莫爲浮雲望天際恐增愁思倚闌時

曉登春臺用韻

翠嶺烟開楚望竒綠江天盡鳥飛遲松杉覆郭冷風
起樓閣當空淑景移巖樹故因時序改山雲豈與俗
情宜雙峯寂寂應相對悵憶高人獨徃時

二袁山漢高士袁京

居所

惠上人房

絕壑聞流水香牀住半天林間飛蓋入松下看雲眠
谷鳥知春候墨花識靜緣冥心遺所適豈必定中禪

夏夜府公辱過

山月照庭際如傳松桂神到門銀燭遠當席錦袍新
自惜迂踈舊多慙寵顧頻荒居寡承奉小酌愧情真
酬羅使君仰山之招

開緘見月生幽思清曉雨聲翻屋來千峯古木啼猿
處空憶題詩坐石苔

鈴山夜別簡侍御得寬字

柱史來天上相過坐夜闌霜威清斲假月色好同看

晨渡河冰壯春浮楚澤寬臺臣綱紀地送子見才難

陽春書院唐朱二侍御邀集

逆藩故官也

陽春院裏花仍發不飲其如春色何高臺曲沼人能
到遲日濃烟景自多猶憐綠水飛鴻鴈更着蘭舟採
芰荷章郡昇平異前日時邀驄馬一相過

薛樓宴集次汪戶部希會是日出師捕安義之

寇

城外章江碧草春城頭高閣綺筵新野航受客還依
渡江燕穿花不避人山川南國登臨在今古浮雲感
慨頻戰舸眼邊連夜發捷書早報放吾顰

金山堂集 卷之四
夜登明遠樓同王陽明中丞唐朱二察院

遙夜蕭已靜朗月照重湖風窻倚天漢星嶠臨蓬壺
的的徐亭樹寥寥霜暑烏微言歡欲奉清賞未云徂

龜峰寺 弋陽縣

森森蔭水栢冥冥入山烟始驚靈境絕忽步翠微先
異狀群峰出幽探萬慮捐心期駕鸞鶴從此問真仙

二

鳥鳴芳樹暗雲度碧峰陰春益林巒秀山圍洞壑深
青蓮窺色相綠竹動謳吟人世那逢此丹谿一一臨

上巳玉山集

巖嶂何盤鬱汀洲復渺綿江深迷草樹林霽淨風烟
蘭葉修春袂楊花對別筵不醉河陽酒愁心益惋然

二

懷玉今辰到官亭憇晚晴連山雨渺渺獨樹花盈盈
對酒三春暮離家一月程舊窓園木暗惆悵忽聞鶯

塔山望 玉山縣

初聞流泉響漸入深林間靈峰窺寶塔竹徑款禪關
掩曖花覆谷空濛雨映山回看萬壑裏雲霧渺人寰
自西湖入靈隱上天竺

蘇橋初進艇靈峰忽振衣三竺開丹鷲諸天在翠微

金剛山堂集 卷之六
三
澗水浮花片松磴鎖烟霏屈折巖扉到蕭條苔徑歸
藉草還留酌聞香頓息機

嘉興三塔寺留別朝儀子謙二使君年丈

三塔移舟望若仙穹林翠壑俯江烟鷺花對酒城春

麗鍾梵登樓海日先世路無端頻送客空門不礙擬

逃禪與君更是燕吳別衝雨開帆各惘然寺圍有先照樓

虎丘寺侍少傅守谿公遊奉次高韻

禪逕香臺訪碧山玉堂黃閣奉台顏乍揮藻翰花爭

麗久脫朝簪鶴並閒林下看雲松影靜巖邊着屐藪

痕斑分明仙舸中流坐瞻送宮袍月下還

潭渚逶迤草樹重上方臺殿隱孤峰清輝夜吐吳城

月虛籟寒生梵院松窓瞰浦雲宜引望石留僧講謾

遺蹤移舟更欲歸城市惆悵青山日暮鐘山巔有閣名千頃雲

寺前千人石生公說法處

東平遇雨

急雨來東郡蕭蕭亂入雲禱祠諸路見亢旱一春聞

風疾吹疑斷天高灑易紛都饒萬民望吾亦洗炎氛

蓮花淀舟泛雄縣

沿洄洲渚異演漾水雲空綠荷初冒日青蘋解起風

唳鶴橫天迥眠鷗炯雪同會意聊自適望美轉難窮

盧溝橋

起句是古選

中選

逝波與行客汨汨無時休
猗蟠明積雪虹飲巨長流

曉月迷征騎春沙壓弊裘
經過道傍寺喝思且淹留

憶鈴山寄溪亭明府

小逕升堂綠檜長翠屏
終日對鈴岡丘園物色閑
閑在朝市風塵事事忙
尚憶琴尊同笑語最憐風雨發
舟航朝來馬上逢鄉使為寄新詩當八行

南京戶部後池雙蓮同幹大司徒王公邀賦

朱夏尚書省池蓮表異祥
絳葩開並蒂青乳結連房
掩夢紅雲麗披翻翠蓋長
文鴛紛比翼振鷺儼分行

引類何猜妬凌波故頡頏
靈妃泛湘浦趙女入昭陽
照月平分影迎風倍有香
瑞呈鮫室外盛過鯉湖傍
早曠憂方劇芬敷理詎常
氣和占聖世地重切公堂
嘉木歆連理靈芝頌九光
予慚職歌頌留賞濫華觴

鈴山堂集卷第六

鈴山堂集卷第七目錄

詩留院藁

初拜留院少師相公贈詩用韻拜酬

奉酬汪石潭宗伯

奉酬翟石門兄

夕次潞河懷寄館閣僚友二首

奉迎 慈聖歌

東昌驛下逢少保鵞湖相公赴召敬抒贈賀

德州董子廟

翰林齋宿

汪司成學省齋宿寄贈

禱雨曉出神樂觀

欽佩南原草堂集別

黃伯固奉表入賀餞以是詩

張子常甫自翰林出督學旋以病告寄贈

新作院署之堂汪司成先生有詩用韻和酬

和郭司業官舍閒咏

酬和少宗伯汪先生省中步月見懷之作

石潭先生榮進吏侍兼副史局用韻酬贈

送王中丞赴召

贈林大理茂貞

楊侍御使蜀

待月集宗伯鳳山邸第

送禮侍吳公赴召

蔣戶侍省墓送贈

贈邵僉憲

奉送司寇趙公入覲

贈寇京兆

贈邊太常黎銀臺北覲

暮春神樂觀餞方使君

贈少司寇胡公赴召

贈太宰羅公歸省

大司馬廖公致政

贈楊月湖先生

寄壽少傅邃翁先生

大宰楊公考績送贈

送司徒秦公入朝

觀雪登清涼山餞秦司徒

送魯給事之江西

贈寇都憲赴鎮

送邊都憲召掌北臺

顧山人壽詩

朱潤軒壽

徐氏東園觀梅

喜雨二首

喜雨和胡都憲

喜雨和汪宗伯

喜雨和秦宗伯

喜雨和郭司業

贈友

金山堂集 卷之四
簡尚質將歸賦贈

贈葉刑部

吳司空舊家嘉魚有東湖徙居
君悟作東湖書

院命子賦

題羅太守畫

聶君持梅雪卷請題走筆贈之

無錫茹氏惜陰樓其先世所創民澤請題

酬陸司業見寄秋懷之作

登金陵觀音山

和顧東橋憲長遊天界寺之作

寄壽高仰峯先生

蔡氏濬永阡

鈴山堂集卷第七

詩 留院藁

漁石唐龍

升菴楊慎評點

初拜留院少師相公贈詩用韻拜酬

金陵樓閣倚天開
玉署晴雲覆禁槐
薦賦敢晞文似者
拜恩真荷帝俞哉
鴻鈞播物寧論德
豹管窺斑却愧才
拭目廟堂歌喜起
五星重聚鳳凰來

奉酬汪石潭宗伯

八座高街禮絕攀
兩朝清望重於山
招延雋老皆登

金山先生集 卷之七
用揣量非才合置閒駑駘豈復思千里廣厦終期庇
萬間誰意用儒逢世理一尊相屬重開顏

奉酬翟石門兄

春明別棹問南京誰道君猶羨我榮戀闕已瞻紅日
遠忝官仍喜玉堂清鳩巢計哂經營拙魚飯心憐去
住輕十七年中同宦侶細論離合倍關情

夕次潞河懷寄館閣寮友

朝遊燕臺上夕宿潞河濱空洲牽積水廣陌足流塵
情憶離尊滿年傷別袂頻玉署星辰切金陵月露新

二

虛薄忝朝籍文館廁英寮蘿施攀松柏葭倚接瓊瑤
鳥有同栖樹魚憐獨上潮江海參辰隔流盼極春霄

奉迎 慈聖歌

綠水雲搖帳殿開龍艘日照錦帆來千盤玉膳分船
進百騎銀璫奏御回

御氣金門起鬱蟠至尊當殿候鳴鑾玉食真移九州
養龍樓長奉萬年歡

濮園議禮伸輿論代邸崇恩本聖情正陽文母遵門

入五鳳英皇却輦迎

先是禮官議
聖母從東安門入

御批從正陽中門
上出迎至午門

東昌驛下逢少保鵞湖相公赴召是日大行人
齋勅迎勞適至敬抒贈賀

直道誰云竟忤時如公親結九重知大賢出處關朝
運聖代謀謨重鼎司龍紙纔開天咫尺使輶重遣路
逶遲試論再入中書事文呂于今復見之

潞公文
穆也

德州董子廟

董生讀書處寂寞臨高臺門牆窺孔室編簡拾秦灰
業守三餘積宮存一畝開墨池春草遍園木晚禽來
獨有賢良策人稱王佐才

翰林齋宿

郊禋元歲盛聲明玉署深寒宿舊京長樂聽鍾天已
遠鍾陵對雪夢猶清池頭星斗歸環珮城上風雲颭
旆旌鷓侶此時皆侍從綵毫春色賦初成

汪司成學省齋宿寄贈

清宵琴鐸靜齋廬悵望無因奉起居寺近獨吟孤嶂
雪燭明親校六堂書雲中比翼瞻鴻鴈河畔開緘憶
鯉魚漸擬謝池春草發清詩幽夢復何如

禱雨曉出神樂觀

燈火嚴城啓樓臺祕苑通精明石壇月淒斷栢林風
望極仍延竚憂深尚蘊隆瓣香勤祝史何以格皇穹

欽佩南原草堂集別

梁苑乘驄馬秦淮掩竹扉因憐奉丹詔不得羨荷衣
 古屋秋山近清池夕鳥飛故人從此去吾至欲何依
 黃子伯固昔為兵部郎官率同列諫止巡幸被
 杖斥歸今上登極起為南京大理丞奉表
 入賀餞以是詩

明到鳳樓聽漏日漢儀重覩淚堪垂伏蒲舊侶誰同
 在薦藁芳名帝獨知驂騑逸步諳長道鶴鷺崇班戀
 赤墀憑將金鑑千秋錄為獻南山萬壽卮

張子常甫自翰林出督學旋以病告寄贈

登朝與子最情親院宿郊遊事已陳蹙失鳳池官自
 好重歸山逕業猶貧遍栽松菊疑真隱且廢謳吟惜
 病身燕乳蝶飛烟草綠相思難寄秣陵春

新作院署之堂汪司成投贈佳篇用韻和酬

偶鋤荒圯得清深更置芸編對素琴涼吹瀉軒翻竹
 韻朝陽臨砌捧葵心高依鳳闕知天近淨掃蛩堦與
 月侵幸有大賢携晚進文觴幾度愜幽尋

金鑾西畔玉堂深鳳沼雲泉滴暗琴已藉典謨開駿
 業更留烟月寄閒心池栽脩竹藏鸞語亭覆荒碑見
 薜侵牛渚故逢仙子問桃源不遣世人尋

金山堂集 卷七詩
和郭司業官舍閒咏

堦西衆山處重到有餘情地是名賢宅庭栽古栢成
夕嵐迷疊嶂秋雨過高城最愛攤書坐窓燈映竹清

大宰羅整菴昔居此有所植栢存

二

前日瀛洲侶同來白下居真能忘爾汝時復到堦除
魚筍供常宴朱鉛校古書南都官况僻暫免聽朝車

三

池寬新雨後山翠夕陽時秀句無心得幽懷只自知
暮鍾來古寺秋槿徧疎籬欲踐移尊約新涼月色宜

酬和少宗伯汪先生省中步月見懷之作

南宮風露溢清寒華月當窓轉玉盤始信仙蹤隔塵
土漫憐浮世有悲歡茶烹石鼎分池雪香爇金鑪和
澤蘭忽荷雲章寄瓊署欲携春興伴花壇

夜深高咏在虛亭無柰蟾光影竹青對樹棲鴉眠自
在傍城更柝語丁寧歌餘白雪翻瑤瑟興入滄洲拂
畫屏人事故逢清景少賞心長爲碧雲停

石潭先生榮進吏侍兼副史局用韻賀贈

鳳日龍霄近欲攀仙蹤元只在蓬山盡誇榮寵從今
盛長擬門庭似舊間羣才總屬陶鈞地一字猶嚴袞

斧間當日相從今遠別玉堂京月夢清顏

送王中丞赴召前在豫章有平難之績

繡斧清霜避樓船綠水開風雲千層會麟鳳衆賢來
投老仍嚴召當途賴上才向來籌策地投檄淨烽埃

贈林大理茂貞

爾別河橋繫我思柳枝攀贈綠烟絲中興奏議看前
輩南國聲名重棘司今古祇應榮節槩 聖明奚忍
負恩私明庭此去觀夔契好續徂徠聖德詩

楊侍御使蜀

江草萋萋江水長使輶聞欲度瀟湘開帆夜坐星河

色載筆春吟杜若香綵繡過家非舊服皂囊還闕有
新章西州五月無炎暑應避青驄滿路霜

待月集宗伯鳳山邸第

風梧翻夕籟雲葉漏輕光東林初上月華館更留觴
寅清欣務簡宴語接宵長方占德星聚復咏棣華芳

時公弟
初至

送禮侍吳公赴召

文昌星彩動南宮徵拜三卿寵數崇承旨故隨宗伯
後致辭初入謝班中披雲近覩長安日擊水高搏渤
海風朝省事頻聞日少回看烟月憶江東

蔣戶侍省墓送贈

楚江秋潦淨巴嶺夕雲重烟鳥隨孤舫鄉山到萬峯
窓園餘舊菊墟墓長高松國計遙相待期君隔歲逢

贈邵僉憲

幽蘭閔芳馨白壁懷堅貞端居不踰閼奕奕當世名
剡薦馳雲陛鶴書賁柴荆直道昔忤時今爲士所榮
始感白日照親見黃河清恭翼承皇命慷慨發脩程
驄車列城避鳥道千峯行水郵經楚甸海嶠浮昆明
飲水徇苦節擊隼蜚英聲揮手自茲別許身良不輕

奉送司寇趙公入覲

羣公得句鏘鳴球司寇引杯登綵舟金函奉表江東
發銀漢乘槎天上遊六月滄洲不知暑夜泊風烟渺
何許遠勢斜分清泗流新京早入長楊樹羨公懷抱
有餘清臨流見月幾詩成調高白雪誰同和行愛青
山自問名公今去國已經時星履重來上赤墀臯陶
淑問持邦憲閔道清忠結主知純皇當日擢羣
英三十餘年並列卿廟堂正藉經綸業江海猶傳水
蘂聲

贈寇京兆

宦情鄉思渺難裁悵望春帆帶雨開芳草不堪頻送

金山堂集 卷二
客暮雲何處獨登臺閭閻解說循良政廊廟元須卓
異才借問府中林館勝棠花應候使車回

贈邊太常黎銀臺北覲

兩卿南國望同上赤墀行接羽鶴鸞貴論言玉雪清
冠裳臨偉餞風雨發嚴程遙羨川途興新詩幾許成

二

莽莽龍河雪雙帆幾日開亦知從此別已是隔年回
珂馬春城並衣冠曉仗催驛亭梅柳色來往送行杯
暮春神樂觀餞方使君

登臨南郭久相期忽漫看山是別時童子正宜春服
咏使君莫爲一尊辭林中坐石焚香靜花裏穿雲出
洞遲欲贈美人無繡紵石壇折取古松枝

贈少司寇胡公赴召

秣陵佳勝幾招邀公去風騷歎寂寥耆俊總登台鼎
地乾坤今覩聖明朝鷗鵬擊水辭瀛海鶴鷺排雲上
紫霄黃花送酒期留醉滄浦鳴榔惜去遙

贈太宰羅公歸省

寧親詔賜驛舟行祖席南都盡列卿裴宰重名懸水
鑑秦公家範列簪纓日臨化國春逾永星映澄江德
共明已報遠書傳勿藥要知虛席待持衡

金山堂集 卷之七
大司馬廖公致政

兩都清望許誰先，留鑰恩深遽引年。
陵路曉辭松罷雪，江船春坐水連天。
山林歲月從今得，編簡勲名與世傳。
舊里龍灣草堂勝，手栽松菊故依然。

贈楊月湖先生

塵外高蹤何處尋，白雲依岫鳥歸林。
才於濟世施難盡，學爲逢原得最深。
獨抱韋編閒自註，靜觀庭草坐長吟。
門牆已隔春風地，江漢徒懸北斗心。

寄壽少傅遂翁先生

累朝望重經綸地，五畝情怡水竹間。
天下正須安石起，洛中猶放涑翁閒。
詩尋丁卯橋邊宅，舟放金焦寺裏山。
毬馬燁如尊俎勝，隱園高會渺難攀。

大宰楊公考績送贈

相業當朝文敏最，直看家學到今公。
笏牀經笥傳何遠，岐鳳郊麟瑞本同。
政以經綸歸重望，久知清白振高風。
國恩世受何爲報，多在山公啓事中。

送司徒秦公入朝

劔履乘春上玉墀，梅花度臘送行卮。
承明宣室元相待，鷺渚鍾陵無到時。
江上流移何日少，眼中經濟屬公宜。
東曹齋閣松陰在，幾借前籌退食遲。

金山堂集 卷七言
觀雪登清涼山餞秦司徒

巖壑風烟積樓臺氣色寒祗園最高處飛雪更宜看
鶴近瑤空舞花依綺席漫中臺趣嚴召南斗寄餘歡
送魯給事之江西
遠別逢春望轉迷柳條縈綠草新齊回看紫禁烟霄
上獨宿征帆楚水西事往不堪聞戰伐憂分行可慰
黔黎城邊高閣臨江在閒對山雲續舊題

贈寇都憲赴鎮

上谷風烟鉅鎮開雄關疊嶂鎖縈迴山川故識鸞輿
幸戎落新驚繡斧來畊牧總叨明聖力保釐多倚憲
臣才秋城落日烽塵靜倚劔遙登萬里臺

送邊都憲召掌北臺

詔書宣召北門歸戀闕懷鄉願不違行愛雲山過舊
里步紆星履上彤闈朝廷正倚臺綱重天日長瞻帝
座輝雄峻古稱三獨坐百寮回首避霜威

顧山人壽詩

最憶蕪城車馬地草堂花竹淨風烟地偏塵市同真
隱貌古衣冠似列仙清愛碧簫吹海月靜看玄鶴舞
芝田綠蒲青艾俱生色歲歲開尊午日前

朱潤軒壽

他鄉獻壽逢新歲同里相過總近親行樂不妨時序
改交驩惟有酒盃頻岸花檣燕能留客對水看山不
負春聞說揮金多義事江城無限待舖人

徐氏東園觀梅

東閣開筵雪樹春主情花意共清真似憐標格初經
眼自識芳香久襲人鸞鴛故移天上種珊瑚不受世
間塵習池賓客俱名勝雅尚從知德有鄰陽回清
新可詠

喜雨

南國夏無雨鍾山朝出雲精虔三日禱甘澍萬家分
野愛商羊羽池憐蜥蜴羣康衢今日頌一飯是吾君

二

卧聞清雨至蕭颯浣煩襟開軒進荷氣閉院靜鷗音
鳳沼流泉細彤樓隱霧深隱几聽脩竹何異在中林

喜雨和胡都憲

沾席敲窓慰客心院池新水坐來深煩襟正解塵中
渴好事如聽谷裏音靈霽總隨和氣洽蕭森時逐遠
風沉天公只借須臾力明日郊原看綠陰

喜雨和汪宗伯

悵望星河作夜晴曉聞零雨度高城乍迷雲岫氛氳
合亂入槐軒浙瀝鳴正有清涼破炎毒可無新句答

高情郊原明日堪攜酒自喜且兼吏隱名

喜雨和秦宗伯

焦枯何計訛吹噓一雨全勝萬斛珠看舞商羊應得意聽鞭蜥蜴最憐渠涼開竹簟眠方穩日飯盤蔬味自腴志喜有詩傳畫省巴人慚和郢歌餘

喜雨和郭司業

入秋忽聽翻江雨長夏空瞻落檻雲頓失塵熇淨如洗乍迷山翠杳難分民情正望倉箱富神薦猶憑黍稷芬更喜清涼慰幽獨簡編遙夜坐膏焚

贈友

大江渺千里金陵麗五雲在棹特垂訪念子意何勤久客懷故知相見各欣欣且復話鄉邑不厭窮朝暉

二

留都羅群署詞林最蕭間古屋蔭槐栢時見簷前山圖史紛座隅披翫豁心顏與子坐永日清風竹珊珊

三

揚回奇崛感慨頽謝之間北風吹層波高帆疾於馬矯首望雲山日夕到鄉舍親友慰遠歸春杯正堪把故園多所歡薄宦何為者

簡尚賓將歸賦贈

相留忽是一年期落葉西風話別時賓館寂寥寒榻

在吏情涼薄故人知舟衝霧雨帆飛遠書憶鄉園鴈
到遲明日古槐修竹裏玉亭吟坐復同誰

贈葉刑部

把酒逢宵月登車犯早寒逶迤涉遠道日夕望長安
霜蹄看驥展風翮羨鵬搏以我僻居者殷勤懷所歡
遲歸秣陵署高咏對雲巒

吳司空舊家嘉魚有東湖徙居蒼梧作東湖書

院命予賦

問訊東湖第司空此卜居清瀾堪悟道石室可藏書
野綠開裴閣花香引邵車蒼梧轉奇勝風景似嘉魚

題羅太守畫

何處林居好移來庭壁間風泉留噴薄雲嶠鎖孱顏
谿憶浮槎到峯疑采藥還郡齋收印坐知爾飽看山

二

谿山盡瑤素曉霽更宜人不悟梁園雪虛疑芳樹春
剡舟乘興逸郢曲和歌新懷君當此夕難澣渴心塵
聶君持梅雪卷請題走筆贈之

鷺沙尺書何日傳聶君近泊金陵船到門覽刺亟出
迂丰度雅樸神脩然書云此君樂幽尚十年寄跡江
湖邊平生愛梅有真癖梅雪自號爭清妍瓊姿綽約

種萬本茅屋正在春風前芒屨緩步石逕月拄杖獨
往青林烟有時臨流發孤嘯風致髣髴疑逋仙只宜
跨驢學肩聳那復騎鶴思腰纏青蚨沽酒與之醉散
髮岸幘歌青天吁嗟聶君亦不俗揮毫贈爾梅花篇
無錫茹氏惜陰樓其先世所創民澤請題

茹翁讀書處高樓名惜陰捲幔燈烟在開軒草帶深
古人勤志業我輩得規箴爲誦陶公傳千秋見苦心
酬陸司業見寄秋懷之作

每遲鰲禁掖垣追逐地獨慚虛薄冒恩私
雲海滄茫隔鳳臺兩年剛得一書迴敢將膠漆期君
並莫爲陰晴與世猜往日詩篇常在把幾時尊酒定
重開龍山又是茱萸節珍重登高作賦才

登金陵觀音山

江閣憑虛似幻成綠崖蒼壁有人行波晴日抱鼉鼉
窟天險山圍睥睨城萬里濤瀧爭赴海八埏琛帛盡
朝京誰能數到層軒坐臨水看雲失宦情

和顧東橋憲長遊天界寺之作

素衣不受市塵侵虛谷超遙見此心苔徑客吟猿鶴

靜石牀僧定薜蘿深高賢有意依蓮社開士何年建
鷲林更借玉琴酬雅興欲憑瑤草寄幽尋

揚曰全
首肅括

寄壽高仰峯先生

勲業三朝重年齡八袞高名應書汗竹壽及薦蟠桃
天遠冥鴻跡池新綵鳳毛聖明頒異寵賜誥賁林臯

二

鄉里論耆舊惟公五福完壽鄉餘日月憲府重衣冠
老鶴昂仙骨貞松耐歲寒青雲誇令子更折桂枝看

三

昔奉秋堂宴人歌雲海篇追趨懷杖履瞻望禮星躔

臺傍重門近洲分碧水連林田新報熟歌醉入豐年

蔡氏濬永阡

露草眠牛集雲松弔鶴來黃山開碧嶂蒿里闕層臺
哲士今亡矣高風日遠哉淵源尋舊德梁木歎遺材
不見丘原起惟餘風樹哀諸孫寒食裏日暮莫椒回

鈴山堂集卷第七

鈴山堂集卷第八目錄

詩

奉送大宰楊公赴召

送汪吏侍先生

至日信州懷寄汪石潭宗伯

弋陽遇贈舜卿翰檢兼寄用修殿撰

送凌司訓

兩泊鳳洲酬寄朝望太守

遊洪陽洞

曉濟鄱陽湖

泊弋陽江

夕會顧宮諭兄姑蘇驛下

姑蘇城中少傅王公怡老園子貞中含邀集

怡老園後池集

虎丘臨眺和朱侍御二首

題悟石軒

賦少宰汪公西溪草堂

盤谷歌為司寇高公賦

題胡使君可泉

蕭子十居梅林賦贈

學士崦西兄論秀還朝次京江有詩見寄次韻

奉酬

閣學吳公省墓例贈

贈張建寧太守

送葛刑部慮囚

經筵呈館閣寮長

經筵進講畢還至國庠會寮屬諸生聽講

送李若溪僉憲

送羅南康使君

贈柳州桂二守

贈簡少府

贈鄭南昌復官昔與逆藩之難

大理湯公壽詞

送趙司空致政

送秦司徒致政

送鄭刑部之南京

送吳學士視篆南京

陳監丞父壽詞

費氏橫林孝友堂詩為學士鍾石賦

經筵宴罷有述

賞荷劉司空部署次韻

夏日李公薇園燕集次徐少宰

徐養齋方棠陵偕至喜而有作用浚川少司馬

韻

鳳圖為宗伯序菴公題

九日登戒壇寺閣

和陳司馬元日早朝

寄壽少傅木齋謝公二首

贈別汝湖學士

崦西徐少宰省中藤花開有詩予同作

寄贈宮保白樓吳公

贈劉梅國都憲

贈許學士歸省

贈費司訓之山陰

答用修見贈

用修殿撰惠予蜀中雲根竹筆

用貞中舍贈雲根竹茅筆各一

夢竹卷題贈胡世貞光祿

鈴山堂集卷第八

詩 留院藁

漁石唐龍

升菴楊慎評點

奉送太宰楊公赴召

象德家聲遠登賢國論公泰應占世運聖已識淵衷
聽履星辰切持衡水鑑同構堂資柱石補袞藉山蟲
熙洽隆殷祚高明達舜聰平章均四海峻絕冠群工
霖雨收輿望丹青肖祖風四朝推練達一節想清忠
播物鴻鈞大掄材杞梓充山濤能薦士王旦不言功

金山堂集 卷之四
猷告寧聞外謨詢待折中正容亡儉側軫慮切瘵痾
祖席逢秋淨王畿屬歲豐競看威鳳集周雅咏梧桐
送汪吏侍先生
叨隨鍾阜瞻依近悵別江波跂望勞長奉清言過玉
署重聞仙步上銓曹時艱靜睹紆籌定國議新陪出
論高願坐廟堂同水鏡總收賢俊入甄陶

至日信州懷寄汪石潭宗伯

至日題詩信州驛泊舟虛館近寒汀江潭歲晚蛟龍
蟄巖壑霜餘檜栢青鳴玉尚思金殿直移文深憶草
堂靈謝公正在東山畔日對雲峯看翠屏

天畔登臺望北辰三迴已隔御筵春冰霜暗惜年華
老棋局頻看世事新安得梅花逢驛使欲憑瑤草寄
佳人白鷗片片風湍急捩柁衝星下遠津

弋陽遇贈舜卿翰檢兼寄用修殿撰

京國何時出舟航此地逢批鱗印龍闕塌翼下鰲峰
天地生全德江湖汗漫蹤相留話今夕明發楚雲重

二

兩賢俱侍從萬里各風埃鳥道青冥外誰憐逐客來
醉歌頻擊劒愁望且登臺珠樹同棲鶴蓬山遲爾回

送凌司訓

沅湘從此去孤棹雨冥冥烟嶼宜春望林猿足夜聽
青雲誰假翼白首嘆窮經明日河陽酒思君草色青

雨泊鳳洲酬寄朝望太守

厭聽高城雨還維古驛舟瓊枝那近眼烟浪適生愁

二

鴉濕波翻木鷗喧雨滿洲離心何處是暝色載孤舟

三

鳳洲幾回至一至情眷眷佳期渺未忘薄別寧當怨

四

山閣憶春臨渚花宜晚望不共灑西遊空懷郢中唱

遊洪陽洞

鶴馭鸞驂去不回林扃岫幌客頻來洞門日照烟蘿
發巖竇泉飛雪屋開始驚竒僻非人境更愛攀臨坐
石苔迴輿出谷千峯暝猿嘯禽啼萬壑哀

曉濟鄱陽湖

鳴榔發荻浦擊楫過蘋洲晶晶霞日爛盈盈天漢流
遠帆征未息高鳥去何求汗漫江湖志吾今幾度遊

泊弋陽江

客思增悽斷風滯渺宿留雲來津樹黑雨集浦帆收
作宦逢揚閩辭家感麥秋龜峯嵐霧裏心賞若爲酬

夕會顧宮諭兄姑蘇驛下

共憐揮手別鰲峯烟水吳洲此夕逢
世事祇應論塞馬春雷正合起潭龍
坐闌紅燭談猶健折贈瓊枝意
自重借問昔時鴛鴦侶幾人同聽鳳樓鐘

姑蘇王少傅怡老園子貞中含邀集

宛似入雞山寥寥雲壑間攀松上巖翠
憇石坐苔斑霄漢清班接林園樂事關
昔遊陪劔履輝赫想台顏

怡老園後池集

竹逕蘿烟翠且重行尋幽洞失前峯
因攀巖下叢生桂故識雲中舊種松
樓臺碧水虛相映車馬高門日

自容猶道綠尊歡未盡別來深院起歌鐘

虎丘臨眺和朱侍御

泊舟禪逕石門通徒倚湖天望不窮
正掃書壇拜和靖猶開梵塔禮生公
汀洲晚浸蒹葭水臺殿晴呼松栢風
惟羨觀風驄馬使清遊麗句滿吳中

翠嶺晴烟鎖鷲峯玉泉陰洞隱龍宮
高攀雙樹青冥上俯瞰三吳宿霧中
沙浦斷雲低度鳥石林修竹靜吟風
禪房水石佳遊在塵世滄桑劫劫空

題悟石軒舊傳生公說法石爲點頭軒以是名

盤石寺門前相傳聽法年襲訛僧善幻賞勝客猶憐

松桂流寒月藤蘿起夕烟未須談寂理聊此息塵緣
賦少宰汪公西溪草堂

山輝知玉韞淵靜識龍居古邑名賢里膺門幸到予
開堂瞻劔履登閣覽清虛積翠羅千嶂分流貫二渠
夕雲生畫障春水動鷗魚庭愛森瓊樹門看擁駟車
玉牀留貯笏丹壁會藏書直道中朝仰高名北斗如
鳳凰需寵詔蘿月卧林廬理愜心彌逸神間體自舒
萍遊奉佳論臨別意躊躇

盤谷歌為司寇高公賦

樂清山水天下奇中間茗嶼更逶迤坤靈勃鬱萃元

氣何人卜築開新基高公百年草堂在林色川容未
曾改地隔桃源長子孫村標盤谷名江海盤谷幽棲
自隱君後人濟濟藉芳薰一溪桑梓橫青野九畹蘭
蓀結綵雲堂下陰森滿松栢風雨泠泠護幽宅歲時
蘋藻薦明馨階前半是朱衣客司寇承恩著錦袍江
山掩映羅旌旄後來傑出况非一上下彩鳳看翔翺
禮成叙飲復酬倡接盞飛觥各相向里閨風猷出故
家朝廷禮樂歸群望吁嗟乎湛恩餘慶奕世存路人
盡識于公門請君試聽歌盤谷昔日三槐安足論

題胡使君可泉

秦安卦山北相傳有異泉胡公讀書處釣月弄潺湲
漱玉雲根淨牽蘿雪瀑懸夜絃翻雅調春甕瀉芳涓
江海覃餘澤山林結靜綠鑑澄心比瑩膏潤竭同蠲
地以高賢勝圖將美蹟傳次山文筆健巖石幾銘鐫

蕭子卜居梅林賦贈

如起自佳
溪上梅花玉作林溪邊茅屋苦寒侵孤山倚棹逢詩
興賴上移家見客心日晚漁歌來浦溆雪晴花色上
衣襟風塵擁傳勞爲郡時向滄洲寄一吟

學士崦西兄論秀還朝次京江有詩見寄次韻

奉酬

悵望使星天漢上欣傳書札海雲邊即從玉樹看顏
色却以飛蓬感歲年南國文章留藻鑑北扉冠佩近
鑪烟追攀莫及空相憶吟對寒流月滿川

閣學吳公省墓例贈

出郭烟霜破曉晴賜舟津吏報嚴程青春故及還鄉
樂黃閣應看扈 聖榮家有絲綸三世貴學惟忠孝
百年情天平泉上知回首手種松楸次第成

贈張建寧太守

武夷烟月鎖潺湲露冕春行碧嶂間粉署却辭仙直
遠滄洲故與吏情閒朝廷政賴循良寄閭巷風從揖

金山堂集 卷八詩 六
讓還精舍考亭松桂在爲收遺籍副名山

送葛刑部慮囚

久持憲簡推高步遠下星輶捧德音漢使光華聯命
出虞廷欽恤霈恩深春從化筆回膏澤日到園扉仰
照臨共道于門多世德駟車重駐越江潯

經筵呈館閣寮長是日子與費官贊講尚書說

命孟子國君進賢二篇

芻蕘何語可聞 天敬展瑤篇洞案前從諫願逢

明后聖審官期用國人賢壺添玉漏移晴旭香近金
爐引瑞烟幸奉太陽依未照愧從滄海託微涓

經筵進講畢還至國庠會寮屬諸生聽講

翠華仙殿說經回冠帶橋門講又開豈有涓埃裨
聖學獨慚模範育英才雲龍嘉會逢明代奎壁祥光
應上台聽誦唐虞風噩爾載歌琴瑟思悠哉

送李若溪僉憲

別君南國若爲情聚首無端復送行同里衣冠知已
少外臺風紀拜官榮枕椰夜宿蠻中驛金鼓晴登嶺
外城儒術古來經世用直看尊俎坐談兵

送羅南康使君

猶煩領郡赴江千千里南州路未難遺愛舊栽棠樹

徧別懷今放酒盃寬山深洞可尋名蹟家近書能慰
母歡見說府中公事簡五峯蒼翠倚樓看

贈柳州桂二守

南登桂嶺道却上楚鄉舟賦就江籬晚書回旅鴈秋
山形攢劒戟方語雜旃裘好種江邊柳還將惠化留

贈簡少府二首

御史一溪
之仲父

客舍依蓮宇清風滿竹林愧予懷短刺長喜得幽尋
旌節梁園迴雲山楚甸深別離明月共千里寄同心

二

爾向滇中去官程柰遠何雲峯當馬峻霧樹聽猿多
郡僻逢迎簡天南氣候和相期敷惠政早入遠人歌

贈鄭南昌復官昔與逆藩之難

黃綬欣看復在身却論前事益沾巾江關亂後餘殘
壘棠樹春來泣故民人情閱世從翻覆直道憐君有
屈伸已喜拜恩同雨露可堪回首憶風塵

大理湯公壽詞

廷尉當朝彥榮名晚節全棘堂卿月迴天署法星懸
魏闕班頻入巴山使久旋邊陲經畧後旒冕對敷前
議政過松掖聽經侍翠旃禮看優寵渥貌不怠恭虔
利鏗餘盤錯貞松閱歲年書雲逢令節彌誕秩初筵

金山堂集 卷之八
却老傳真訣陰功格上玄于公曾活獄貢禹解惟賢
宅蔭宮槐近窓迎海日先願言躋壽域長此奉堯天
送趙司空致政
巖然冠劔漢司空出入三朝操履同事忤貴人知節
槩心憂王室見清忠俞章賜允 皇仁大薦剡留賢
物論公遙羨高蹤去塵網雲霄萬里一冥鴻

送秦司徒致政

履聲長聽殿東墀祖席春明是別時去國二賢輿論
惜登庸八座大名垂雲霄路隔冥鴻遠江渚情牽碧
草思莫謂東山成穩臥蒼生應有謝公期

送鄭刑部之南京

人事無端類轉蓬更勞分署過江東三年臥病烟霞
隔尊酒逢君笑語同地勝湖波浮几席秋深庭菊傲
霜風蕪城亦是桑乾路望近橋陵紫翠中

送吳學士視篆南京予舊領此職

二年相逐喜同聲幾度塵沙並轡行新握院章當妙
選重吟江樹動離情蓬瀛地接金鑿近城闕天開碧
嶂清借問舊堂脩竹在壁間虛薄愧題名

陳監丞父壽詞

壽酒新開秋露盤草堂高隱碧雲端花邊玉杖閒堪

拄篋裏丹經老自看濟郡伏生還授學鹿門龐叟只
遺安膠庠有祿能分養恬淡無心羨達官

費氏橫林孝友堂詩爲學士鍾石賦

地擅溪山美鄉稱德義門衣冠先澤遠詩禮古風存
瓜蔓綿相引槐陰綠正繁傍巖開甲第繞砌樹芳蓀
疊嶂芙蓉峙飛流玉練奔赭亭春秀茗績石夜聞猿
蘿幌攤書靜萍池洗墨渾釣遊仍舊里騰翥並天閣
黃閣崇師保中朝偉弟昆朝回珂滿路燕集醴盈尊
遺範元無改殊恩詎可論祗應傳五桂名此竇家村

經筵宴罷有述

袞席龍盤宸仙班鷺列行賜筵沾玉醴歸袖帶爐香
身到鈞天近恩垂湛露灑聖朝儒學貴虛薄愧明揚

賞荷劉司空部署次韻

東省盆荷初夏開綺筵晴旭淨風埃氣和嘉瑞先時
見地迥靈根近日栽鏡水綵雲頻對酒露盤仙掌獨
登臺尚書星履朝天罷每爲紅芳竹逕來

夏日李公薇園燕集次徐少宰

堂軒地迥開新築松檜年多長舊圍涉逕忽驚炎暑
失尋詩故與俗情違池邊折芰留連坐竹外移燈酌
酌歸遙想紫薇花上月清宵獨對謝玄暉

徐養齋方棠陵偕至喜而有作用王浚川韻

江上新傳李郭舟鶴汀鳧渚羨清遊誰知今雨來千里似憶佳期渺十洲梧竹越山棲綵鳳風雲天路引驂騑相留擬下南州榻醉裏狂歌海月秋

鳳圖為宗伯序菴公題

鳳飛千仞宿崑丘饑食竹實渴飲滄海流人間此物不易見云胡得之置在中堂幽矍然注視使我疑文彩照座光陸離初驚素壁開丹穴忽辨朝霞捧赤曦騰輝絢景瀾東海積石方壺渺焉在羸女簫聲隔彩雲緜仙笙韻流蒼靄憶昔重華稱盛治覽德呈祥曾

一至周京載見岐山鳴邇來千載不復聞其聲祇令粉墨丹青空爾形方今 聖人在位寰宇清豁廓氛曠登休明鏘鏘韶濩諧靈奏藹藹馮翼充王廷吁嗟乎人中之鳳乃所珍我愛南宮上卿美且仁格天事業歸寅直華國文章重縉紳昌辰更賦卷阿什化日高翔阿閣春

九日登戒壇寺閣

梵閣千峯裏征驂九日來松蘿禪逕入龍象法筵開黃菊寧簪帽青蓮獨上臺如堪授真戒吾此息氛埃

二

金山堂集 卷八詩
塵跡何因到名山不易逢谷深微辨徑寺近始聞鐘
古樹寒飈急幽軒夕翠濃菊觴違雅集相憶在高峯

是日學士汝湖
邀集予不及赴

和陳司馬元日早朝

袞袍當殿識威嚴黃表開函近御筵舜曆堯靈欣載
紀日華天表慶同瞻赤葵心向青陽吐豐草恩隨湛
露霑聞道塞垣新撤警聖謨賢略已先占

寄壽少傅木齋謝公

孝廟看遺老明公獨巋然向非平格壽那覩中興年
劍履重趨闕純誠自格天要知敦薄俗湖上有歸船

二

再入中書日諸生得重親岱宗瞻氣象龍馬美精神
正喜謀衢室旋聞偃渭濱高樓限巖壁壽筭若爲陳
贈別汝湖學士

少年擢第勝瓊枝同在清朝白玉墀漸老不堪仍送
別後期何地更傳卮橫經帝幙皆稱貴載筆綸闈已
訝遲剡水越山深駐馬因看春草一相思

崦西徐少宰省中藤花開有詩邀予同作徐昔
侍外舅守溪公授經于此今繼踐其職云

華省曙沉沉朝回坐密林竹風增爽氣花露淨朝陰

軒靜馴孤鶴牀空對素琴皆言公輔貴仍有薜蘿心
二

地是留棠舊人應比玉清獨攀東省樹猶憶下帷情
蘿映攤書靜花增染翰明天庭多雨露歲晚共芬榮

寄贈宮保白樓吳公

却憶吳門濠上居草堂高閣瞰清虛青宮舊識尚書
履石室應藏太史書開檻海鷗依釣席移尊山鳥候
籃輿鴻冥鳳翥誰堪似邾桂莊椿慶有餘

贈劉梅國都憲

保釐東土新恩下制置江淮後命催當署棠陰隨處

滿自天龍勃兩迴開樓船聽雨看吳岫藻翰吟秋上
沛臺報國總需劉晏策逢時不羨賈生才

贈許學士歸省

銀魚學士今公輔青霞丈人真地僊紫誥黃麻覃雨
露瓊林瑤草傲風烟萊衣拜慶承恩誥酈菊攀英薦
壽筵暫向故園榮畫錦即歸蓬閣賜金蓮

贈費司訓之山陰

遊吳還適越心賞寄風烟世業稱韋相諸生仰鄭虔
客帆秋草外官舍海雲邊送爾增遐想重歌棣萼篇

答用修見贈

雞鷲爭稻梁鳳凰食琅玕感惻念物理沉冥結憂端
俛仰宇宙間知己良獨難我友在遠方欲往從遊盤
岷江阻奔洶劔嶺間嶮岈緬懷九苞質詎接雙飛翰
睽離驚歲改棲息喟形單斲苓春雨暮采菊秋露漙
明后應天曆衆賢集衣冠奄忽千里至執手平生歡
濯纓升博望踔轡遊長安愧比蕭艾姿芳馨託幽蘭
幸容字跡濫莫遣膠盟寒晤言期誰與懷抱爲君殫

再次

昔行湘江曲萬竹青琅玕低枝蔭水石高葉拂雲端
幸適心賞趣寧辭行路難灘波渺萬里桂嶺鬱千盤

風溪渡颯爽雲嶠陟嶮岈會意輒縻駕放歌或濡翰
形勝豈不美但愧言詞單竭來故山住兩見白露漙
睽言懷魏闕復此彈塵冠休文自多病劉琨故少歡
京國多貴遊閉門臥袁安贈君湘川竹貽我握中蘭
蘭流香氣馥竹凜清風寒貞素各自保精衷詎能殫

三

夫君起西蜀謁帝陳琅玕妙齡賜上第聲名動朝端
遂令海內士嘖嘖稱才難譬彼珊瑚枝置之亦瑛盤
清輝映皎潔修幹凌嶮岈賤子忝官署往往接英翰
珠玉富璀璨覺我形寒單開緘清風穆入手垂露漙

耿耿蒼水佩，裁裁切雲冠。池看鳳毛貴，庭憶彩衣歡。
 蒼生望安石，才人羨子安。邠林應擢桂，謝砌總生蘭。
 巨川須拯溺，廣廈思庇寒。致身立津要，早願勲猷殫。
 用修殿撰惠予蜀中雲根竹筆

西蜀雲根修竹，清管城新製。比南金携來，尚帶岷峨
 色。賞劇全傾翰墨林，欲賦遠情牽渭樹。合裁天詔灑
 商霖，虚心直節元相倚。珍重佳人贈愛深。

用貞中舍贈雲根竹茅筆各一

青茆束束銀兔毫，雲根修篁鸞鳳毛。娟娟柔翰利所
 操，攜持蜀山越江濤。投贈直比金錯刀，翰林文價賴

爾曹念我寒魚，增鬱陶

夢竹卷題贈胡世貞光祿

君家竹林何處所，萬玉蕭森作風雨。夜間鄉夢遶園
 扉，曉望征帆渡江水。江水悠悠堪濯纓，羨君風致有
 餘清。玉堂延閣辭分直，鳧渚鷗汀思結盟。忠安公後
 重家聲，千蕙甲第晉陵城。雲泉自占江南勝，軒蓋寧
 論世上榮。世間萬事何反覆，平地波瀾變蠅玉。君今
 歸去耳不聞，把筆題詩倚青竹。

國之臣不歸其職其責歸於

歸州士禁其出而歸其向人

車之獄于黃甲其責歸於

歸州士禁其出而歸其向人

車之獄于黃甲其責歸於

歸州士禁其出而歸其向人

車之獄于黃甲其責歸於

鈴山堂集卷第八



